

04 Rhagfyr 2014

Teitl y Papur	Cynigion Cyllid Partneriaeth
Cyfeirnod y Papur:	NRW B B 83.14
Paratowyd y Papur gan:	Rhian Jardine, Emyr Thomas, Helga Dixon, Carolyn Williams a Meinir Wigley. Ymgorfforwyd pwyntiau a wnaed gan aelodau o'r Tîm Arwain yng nghyfarfod Bwrdd y Rhaglen Cyllid Partneriaeth ar 7 Tachwedd a chyfarfod yr Is-grŵp Cymunedau ar 13 Tachwedd 2014.

Pwrpas y Papur:	Gwybodaeth
Argymhelliad:	Cymeradwyo'r dull gweithredu a nodir yn y papur hwn
Penderfyniadau Gofynnol:	<p>1. Cytuno ar yr egwyddorion a'r dull gweithredu ar gyfer cwblhau'r argymhellion cyllid ynghyd â'r dull cyfathrebu fel y'i nodir yn 'Camau Nesaf' a 'Chyfathrebu'.</p> <p>2. Cytuno ar yr argymhellion a nodir yn y papur.</p>

Effaith: Noder – efallai na fydd pob pennawd yn berthnasol i'r pwnc	<p>Effaith ar yr Amgylchedd: Caiff Cyllid Partneriaeth CNC ei ddefnyddio i sicrhau canlyniadau ac allbynnau amgylcheddol.</p> <p>Effaith ar yr economi: Caiff adnoddau ar gyfer meithrin ymyriadau sy'n creu manteision economaidd eu cynnwys yng Nghyllid Partneriaeth Cyfoeth Naturiol Cymru. Hefyd, ysgogiadau Cyllid Partneriaeth o safbwynt arian cyfatebol sy'n cynyddu lefelau cyflogaeth uniongyrchol, prynu nwyddau a gwasanaethau, a gwaith cyfalaf.</p>
--	--

	<p>Effaith ar y gymuned: Defnyddir Cyllid Partneriaeth, fel sy'n briodol, i wneud gwaith ymgysylltu â'r gymuned yn ymwneud â materion amgylcheddol.</p> <p>Effaith ar wybodaeth: Defnyddir Cyllid Partneriaeth i gaffael gwasanaethau gwybodaeth fel casglu a storio data sy'n berthnasol ac yn bwysig i weithgareddau CNC.</p>
--	---

CYLLID PARTNERIAETH CNC: ARGYMHELLION AR GYFER CYLLID A'R DULL GWEITHREDU CYFFREDINOL

Pwnc

1. Mae'r papur hwn yn cyflwyno cynigion ar gyfer dosbarthu'r gyllideb a neilltuwyd ar gyfer cyllid partneriaeth CNC dros y tair blynedd nesaf ac mae hefyd yn awgrymu dull o gyfleu'r cynigion hyn. Gofynnir i'r Bwrdd ystyried y ddau bwnc.

Crynodeb

2. Cyllid Partneriaeth yw unrhyw gyllid sy'n cael ei dalu i sefydliad trydydd parti sydd hefyd yn defnyddio arian cyfatebol ochr yn ochr â hyn i gynorthwyo neu alluogi cyflawni allbynnau, neu sicrhau canlyniadau, sy'n uniongyrchol berthnasol i amcanion corfforaethol CNC fel y'u nodir yn ein Cynllun Corfforaethol a Busnes.

3. Gan fod Cyllid Partneriaeth yn ymwneud â phartïon eraill yn gwneud eu cyfraniad ariannol at y gwaith, mae'n wahanol i berthynas y farchnad sy'n cychwyn drwy broses gaffael.

4. Mae'r papur hwn yn nodi'r camau presennol a'r camau nesaf wrth roi dull gweithredu CNC ym maes Cyllid Partneriaeth ar waith.

5. Mae'r papur wedi'i ysgrifennu yn y cyd-destun canlynol:

- Pwysau ar gyllid y sector cyhoeddus a'r angen i ddod o hyd i ddulliau newydd ac arloesol o fynd i'r afael â'r heriau a wynebwn
- Ymrwymiad CNC i weithio mewn partneriaeth i gyflawni amcanion y Cynllun Corfforaethol a sicrhau manteision i Gymru
- Nifer sylweddol o geisiadau a'r ffaith fod CNC yn canolbwyntio'n gyfan gwbl ar wneud penderfyniadau ar sail rhinweddau pob prosiect sy'n cael ei gynnig.

Nodir prif egwyddorion ymateb CNC i'r ffactorau cyd-destunol hyn yn y paragraff nesaf isod.

Cefndir

6. Yn ei gyfarfod ym mis Ebrill 2014, cymeradwyodd Bwrdd CNC ddull gweithredu strategol ar gyfer Cyllid Partneriaeth. Roedd y dull hwn yn cynnwys y prif egwyddorion canlynol:

- Bydd CNC yn sefydliad cyllido gyda chyllideb benodol ar gyfer Cyllid Partneriaeth dros y tair blynedd nesaf.
- Bydd CNC yn dosbarthu'r gyllideb hon mewn dwy ffordd – drwy ddulliau cydweithio a thrwy gylchoedd cystadleuol a dargedir.
- Caiff dulliau cydweithio eu cyfyngu i sefyllfaoedd lle mae CNC yn dewis sefydliad arall fel un sydd yn y sefyllfa orau i gwblhau prosiect sy'n uniongyrchol berthnasol i flaenoriaeth gorfforaethol y mae CNC am fynd i'r afael â hi. Mae'r sefydliad arall yn rhannu'r flaenoriaeth hon ac yn cyfrannu rhai o'i adnoddau ei hun i gyflawni'r amcan.
- Mae cyllido cystadleuol yn digwydd pan fydd sefydliadau eraill yn cyflwyno cynigion drwy gystadlu yn erbyn sefydliadau eraill, gan gyflwyno eu syniadau eu hunain ar gyfer prosiectau sy'n berthnasol i flaenoriaethau corfforaethol CNC.
- Fel arfer, bydd CNC ond yn darparu cyllid prosiect h.y. ar gyfer gwaith sydd â dyddiad dechrau a dyddiad cwblhau pendant ac sydd ag allbynnau clir. Nid yw CNC yn gyfrifol am gyllid i sicrhau bodolaeth neu weithgareddau craidd cyrff eraill. Gall Llywodraeth Cymru fod yn gyfrifol am gyllid craidd sefydliadau perthnasol.
- Bydd cyfran cymorth grant CNC ar gyfer Cyllid Partneriaeth yn debyg i'r lefelau presennol ond yn adlewyrchu unrhyw ostyngiad yng nghyllidebau CNC yn y dyfodol.
- Dylai cyllid CNC fod â gwerth etifeddol, a dylai canlyniadau ffisegol, amgylcheddol neu ymddygiadol diriaethol a chynaliadwy fod ar waith.
- Bydd Cyllid Partneriaeth CNC yn cael ei reoli fel rhaglen dair blynedd. Mae hyn yn bwysig er mwyn rhoi sicrwydd i sefydliadau sy'n gwneud gwaith y mae angen dros 12 mis i'w gwblhau.
- Ni fydd unrhyw drefniant cyllid CNC yn cychwyn heb strategaeth ymadael glir.
- Nid yw trefniant lle mae CNC yn talu 100% o'r costau yn drefniant cydweithio, ond yn sefyllfa sydd angen caffael ffurfiol.

7. Ym mis Gorffennaf 2014, cyflwynwyd diweddariad i'r Bwrdd yn amlinellu dull gweithredu posibl ar gyfer y Gronfa Gystadleuol a'r Bartneriaeth Gydweithio.

8. Hefyd ym mis Gorffennaf, cynhaliodd CNC ddau ddigwyddiad briffio ar gyfer sefydliadau allanol yn ymwneud â'i agwedd at Gyllid Partneriaeth, ac ar ôl hynny lansiwyd cylch 2014 o'r Gronfa Gystadleuol yn y Sioe Fawr.

9. Erbyn y dyddiad cau (1 Hydref) ar gyfer y Gronfa Gystadleuol, roedd CNC wedi derbyn cyfanswm o 95 o geisiadau am gyllid gwerth £5.5 miliwn ar gyfer gweithrediadau gwerth cyfanswm o £16.7 miliwn dros y tair blynedd. Mae'r ceisiadau i CNC ar gyfer blwyddyn 1 dros £2 filiwn. Mae Atodiad 1 yn dangos yr amrywiaeth o geisiadau a dderbyniwyd.

10. Mae CNC hefyd wedi derbyn 111 o gynigion ar gyfer Partneriaethau Cydweithio erbyn dechrau mis Hydref. Roedd y cynigion hyn yn gofyn am £12.5 miliwn gan CNC, a'r cyfanswm oedd £37.7 miliwn. Gofynnir am dros £3.9 miliwn gan CNC ym mlwyddyn 1. Mae Atodiad 2 yn dangos yr amrywiaeth o gynigion a dderbyniwyd.

11. Mae Byrddau Asesu Ymarferwyr wedi'u sefydlu i sgorio a blaenoriaethu'r holl Geisiadau i'r Gronfa Gystadleuol a'r holl gynigion ar gyfer Cydweithio. Cawsant eu hystyried yn fanwl mewn cyfarfod o Gadeiryddion y Bwrdd Asesu Ymarferwyr a gadeiriwyd gan y Pennaeth Cymunedau Cynaliadwy ar 6 Tachwedd. Ar ôl y cyfarfod hwnnw,

cyflwynwyd set o gynigion i Fwrdd lefel Arweiniad (a oedd yn cynnwys cynrychiolydd o Lywodraeth Cymru) o dan gadeiryddiaeth y Cyfarwyddwr Gwybodaeth, Strategaeth a Chynllunio. Cyflwynodd y Bwrdd hwnnw'r rheswm dros y papur i Dîm Gweithredol CNC.

12. Mae mewnbynnau pwysig wedi'u derbyn gan arbenigwyr allweddol CNC. Mae Nigel Reader, sy'n aelod o'r Bwrdd ac yn Gadeirydd ARAC, wedi mynd ati i sicrhau bod digon o reoliadau ar waith o safbwynt ariannol ac archwilio, ac mae wedi darparu cyngor defnyddiol iawn a fydd yn cael ei gynnwys yng nghamau nesaf y dull gweithredu. Cafwyd cyfraniadau pwysig hefyd gan aelodau Bwrdd CNC yng nghyfarfod yr Is-grŵp Cymunedau ar 13 Tachwedd 2014.

13. Mae gwaith asesu tîm cyllid CNC yn mynd rhagddo ac mae'n cynnwys gwirio cydlyniant mewnol a chymhwysedd elfennau ariannol y ceisiadau, statws cyfreithiol ac ariannol y sefydliadau sy'n cyflwyno ceisiadau, eu dibynadwyedd o safbwynt credyd, eu gallu i reoli llif arian, tystiolaeth o arian cyfatebol a diwydrwydd dyladwy.

14. Cyfanswm y cyllid sydd ar gael ar gyfer Cyllid Partneriaeth yw £4.2 miliwn y flwyddyn (yn amodol ar ostyngiadau pro-rata yn unol ag unrhyw ostyngiadau yn ein cyllideb). Mae hyn yn cynnwys y Partneriaethau Cydweithio a'r Gronfa Gystadleuol.

15. Rydym yn argymhell y dylid gwneud y didyniadau canlynol o gyllideb y cyllid partneriaeth gwerth £4.2 miliwn er mwyn cyfrifo faint o gyllid sydd ar gael ar gyfer gwaith newydd o'r flwyddyn nesaf ymlaen:

- Cyllid ar gyfer Llwybrau Cenedlaethol gwerth £377,000.¹
- Cyllid ar gyfer awdurdodau lleol rydym yn cynnig ei leihau 5% i £1.387 miliwn ar gyfer y flwyddyn nesaf. Mae rhagor o gynigion ynglŷn â sut y caiff y cyllid hwn ei ddrynnu wedi'u cyflwyno ym mharagraff 21 isod.

16. Mae Llywodraeth Cymru wedi nodi y bydd yn derbyn ac yn cyllido unrhyw gyllid craidd a'i ddosbarthu'n uniongyrchol drwy ei chynllun grant ei hun rywbryd yn y dyfodol ar ôl y flwyddyn ariannol nesaf. Yn y cyfamser, mae wedi gofyn i ni barhau i ariannu awdurdodau lleol; oherwydd yr ansicrwydd ynglŷn ag amseru'r newid hwn, byddwn yn rheoli'r elfen hon o'r cyllid bob blwyddyn.

Y Camau Nesaf

17. **Argymhellir** y dylai cynigion cyllid gael eu rhaglennu ar sylfaen 75%/25% fel sy'n digwydd ar hyn o bryd, gan dalu 25% yn y flwyddyn ariannol ganlynol. Mae'r trefniant hwn wedi'i argymhell gan staff cyllid sydd â phrofiad o gyllid grant fel modd ymarferol o sicrhau llif gwaith mwy cyfartal ac osgoi 'tagfa' ar ddiwedd y flwyddyn ariannol. Mae gwaith prosiect yn cael ei gwblhau ym mis Chwefror-Mawrth un flwyddyn, ond mae'r gwaith

¹ Mae swm y gyllideb gwerth £377,000 ar gyfer Llwybrau Cenedlaethol yn adlewyrchu lefel y gyllideb a ddrynnwyd gan CCGC a Llywodraeth Cymru. Roedd CCGC yn defnyddio'r rhaglen grantiau i ariannu'r Llwybrau Cenedlaethol yn hytrach na chyllideb wedi'i chlustnodi ar wahân fel, er enghraifft, Llwybr yr Arfordir. Mae CNC yn bwriadu sefydlu cyllideb ar wahân ar gyfer y Llwybrau Cenedlaethol yn y dyfodol yn hytrach na'u cynnwys fel rhan o'r gyllideb Cyllid Partneriaeth ganolog.

prosesu hawliad, arolygu allbynnau a thalu yn mynd rhagddo yn chwarter 1 o'r flwyddyn ganlynol.

18. Drwy weithredu fel hyn, bydd 25% o gostau blwyddyn 3 mewn rhaglen dair blynedd yn cael eu talu yn chwarter cyntaf blwyddyn 4 mewn gwirionedd.

19. Er mwyn rheoli'r costau, **argymhellir** y dylai CNC bennu uchafswm ar gyfer lefel y costau gorbenion y bydd yn eu talu. Mae rhai sefydliadau wedi ceisio cynnwys yr hyn sy'n cael ei ystyried yn gostau gormodol yn eu cais am gyllid. **Cynigir y dylid cyflwyno gorbenion safonol h.y. canran costau prosiect sefydlog ynghyd â diffiniad addas o beth yw gorbenion.** Argymhellir y gellir hawlio costau anuniongyrchol penodol hyd at uchafswm o 7% o gostau uniongyrchol y prosiect.

20. Er mwyn osgoi sefyllfa lle mai Awdurdodau Lleol yw prif dderbynnydd y cyllid cyfyngedig sydd ar gael, **argymhellir** y cynigion canlynol:

- Uchafswm y dyraniad i Awdurdodau Lleol ar gyfer y ddwy system gyllido partneriaeth fydd £1.387 miliwn y flwyddyn. Dyma ostyngiad o 5% o gymharu â chyllideb y llynedd.
- Bydd y cyllid y mae Awdurdodau Lleol wedi'i sicrhau drwy'r Gronfa Gystadleuol yn cael ei ddidynnu o'r £1.387 miliwn. Bydd y cyllid sydd ar ôl yn cael ei rannu rhwng yr Awdurdodau Lleol sydd wedi gwneud cais am Bartneriaethau Cydweithio, yn unol â'r fformiwla safonol sy'n cael ei ddefnyddio ar hyn o bryd.

21. Mae ceisiadau'r Gronfa Gystadleuol a'r cynigion Cydweithio wedi'u rhannu ar sail y categorïau canlynol:

GWYRDD – Cynigion da gydag asesiadau ariannol/diwydrwydd dyladwy da.

AMBR – Mae'r rhain yn perthyn i dri grŵp. Mae'r grŵp cyntaf yn cynnwys prosiectau hyfyrw posibl sydd â phroblemau ariannol/diwydrwydd dyladwy y mae angen eu datrys. I rai, mae'n bosibl y bydd modd datrys y problemau erbyn dechrau 2015. I eraill, mae'n bosibl y bydd angen rhagor o amser. Byddwn yn nodi'r ddau gategori ac yn rhoi gwybod i'r rhai sy'n gwneud cais. Mae'r ail grŵp yn cynnwys syniadau da ar gyfer prosiectau sydd angen rhagor o waith datblygu i'w paratoi ar gyfer cylchoedd y dyfodol. Mae'r trydydd grŵp yn cynnwys cynigion da sy'n gweddu'n well i gael eu cyllido drwy lwybrau eraill, a bydd CNC yn cynorthwyo partneriaid i ddod o hyd i gyllid o ffynonellau eraill.

COCH – Prosiectau sydd i'w gwrthod ar y sail eu bod yn wael a/neu am fod ganddynt broblemau ariannol/diwydrwydd dyladwy na ellir eu datrys.

22. Os derbynnir yr egwyddorion uchod, mae angen rhagor o waith safoni ac asesu cyn bod modd penderfynu ar y rhestr derfynol o gynigion GWYRDD, AMBR a CHOCH. Mae parodrwydd CNC i gymryd risg yn ffactor yn yr asesiadau ond y bwriad yw cefnogi'r cynigion prosiectau gorau.

23. Bydd Rhian Jardine, Pennaeth Cymunedau Cynaliadwy, yn cadeirio cyfarfod ddechrau mis Rhagfyr i gytuno ar y rhestri GWYRDD a CHOCH terfynol ac adolygu cynnydd ar gadarnhau'r rhestr AMBR.

24. Rydym yn bwriadu cynnal Cylch Cystadleuol arall yn 2015 a byddwn yn nodi blaenoriaethau'r Cynllun Corfforaethol y bydd y Cylch yn canolbwyntio arnynt. Yn y

flwyddyn gyntaf, rydym yn **argymell** na ddylem ymrwymo'r cyllid ar gyfer y tair blynedd, a bydd hyn yn sicrhau hyblygrwydd fel bod modd i gynigion blynyddol a dwy flynedd dargedu canlyniadau â blaenoriaeth.

25. Bydd CNC yn hysbysu pob sefydliad am statws ei gynnig/cais erbyn canol mis Rhagfyr. Mae'n rhaid i ni sicrhau ein bod yn cadw at yr egwyddorion gofal cwsmeriaid gorau, a bydd yn hanfodol hysbysu'r sefydliadau yn y categori COCH fel bod ganddynt o leiaf 3 mis o rybudd am ddiffyg cyllid yn y dyfodol gan CNC. Mae'n hanfodol gwneud hyn hefyd ar gyfer sefydliadau a fydd yn derbyn cyllid sylweddol is.

26. Bydd y tîm cyllid canolog sy'n gyfrifol am Gyllid Partneriaeth ac Allanol yn anfon *cynnig cyllid ffurfiol* sy'n nodi'r amodau llawn i sefydliadau llwyddiannus erbyn diwedd y flwyddyn ariannol bresennol. Rydym yn rhagweld y byddwn yn hysbysu'r sefydliadau hynny cyn y Nadolig bod eu prosiectau'n llwyddiannus, a byddwn yn gweithio gyda hwy i gadarnhau manylion y prosiectau a'r proffil ariannu. Bydd gennym gyfle wedyn i wella'r canlyniadau a graddio'r gofynion ariannol os oes angen.

27. Bydd Bwrdd y Rhaglen Cyllid Partneriaeth yn sefydlu is-grŵp llywodraethu yn cynnwys staff Haen Rheoli ac ymarferwyr allweddol eraill i oruchwylio'r gwaith o weithredu'r rhaglen Cyllid Partneriaeth o 2015-16 ymlaen. Bydd hyn yn cynnwys nodi'r strwythurau a'r prosesau ychwanegol sydd eu hangen i weithredu'r rhaglen yn effeithlon. Bydd hefyd yn cynnwys blaenoriaethu cynigion prosiectau AMBR. Ar hyn o bryd, mae llawer o'r prosesau sy'n rheoli'r broses o weithredu Cyllid Partneriaeth yn ymarferol yn CNC yn seiliedig ar lawlyfr grantiau CCGC. Bydd angen diweddarau'r llawlyfr hwn, y canllawiau cysylltiedig ar gyfer staff a'r amodau arbennig sy'n berthnasol i faterion cynigion cyllid. Mae hyn yn cyd-fynd ag argymhellion *Archwilio Grantiau a Chyllid Partneriaeth* (2014). Mae angen rhaglen hyfforddi staff ar gyfer staff CNC perthnasol hefyd. Mae'r gwersi sy'n dod i'r amlwg yn sgil y cylch cyntaf hwn o gyllid partneriaeth yn cael eu cofnodi a bydd CNC yn gweithredu ar y materion hyn wrth ddatblygu'r rhaglen gyllid dair blynedd. Bydd Cyllid Partneriaeth sy'n cael ei gefnogi gan gyllidebau gweithredu yn cael ei gyd-gysylltu gan yr is-grŵp hwn yn y dyfodol.

28. Penodir ymarferwyr CNC profiadol sy'n gallu rheoli'r berthynas rhwng partneriaid i weithio gyda sefydliadau partner er mwyn sicrhau bod prosiectau'n cael eu cwblhau yn llwyddiannus.

Risgiau

29. Dyma'r risgiau a'r mesurau lliniaru:

- **Y risg y gallai ymgeiswyr aflwyddiannus feirniadu'r canlyniad.** Caiff datganiad adborth clir ei baratoi ar gyfer y timau Partneriaeth fel y gallant egluro ein penderfyniad i ymgeiswyr.
- **Cyhuaddiadau o unochredd a gwrthdaro buddiannau wrth ddethol.** Mae pob un o'r ymarferwyr sy'n cymryd rhan yn y broses sgorio yn cwblhau ffurflen datganiad o fuddiant.
- **Mae ymgeiswyr aflwyddiannus yn methu deall y rhesymau am eu diffyg llwyddiant.** Anfonir dogfen gyfathrebu a briffio fewnol at staff partneriaeth ar draws CNC i'w helpu i gynghori ymgeiswyr aflwyddiannus, gan gynnwys sefydliadau a oedd yn derbyn cyllid o'r blaen ac a fydd yn derbyn cyllid sylweddol is neu ddim cyllid o gwbl yn y dyfodol.

- **Ni fydd prosiectau da na allai CNC eu cyllido yn mynd rhagddynt.** Bydd staff CNC mewn timau partneriaeth yn ceisio cyfeirio ymgeiswyr aflwyddiannus i ffynonellau cyllid eraill, mwy priodol.
- **Mae CNC yn methu gwerthfawrogi profiad ymgeiswyr.** Bydd CNC yn gofyn am farn ymgeiswyr ac yn cynnwys yr adborth hwnnw yn y cylch cyllido nesaf.
- **Mae'r amserlen rhwng y dyddiad cau ar gyfer ceisiadau a chyhoeddi dyfarniadau yn rhy fyr i alluogi proses ddethol gadarn.** Mae CNC wedi cynnwys system i ganiatáu safoni er mwyn sicrhau bod y sgorio gan y Byrddau Asesu Ymarferwyr yn gyson ac yn gyffelyb.

Goblygiadau Ariannol

30. Bydd y gyllideb ar gyfer Cyllid Partneriaeth gwerth £4.2 miliwn y flwyddyn nesaf, yn amodol ar y didyniadau a nodwyd ym mharagraff 15 uchod. Yn y dyfodol, mae'n debyg mai Llywodraeth Cymru a fydd yn gyfrifol am swm y cyllid craidd ar gyfer awdurdodau lleol, a bydd cyllideb benodol ar wahân ar gyfer swm y Llwybrau Cenedlaethol.

Cyfathrebu

31. Mae'n bwysig bod popeth posibl yn cael ei wneud i sicrhau bod pob un o'r ymgeiswyr yn cael ei hysbysu am y penderfyniadau cyllido yn uniongyrchol gan CNC, bod y gwaith sy'n cael ei wneud gan CNC i baratoi'r sector yn cael ei ddeall a bod y cyd-destun ehangach ar gyfer unrhyw benderfyniadau cyllido yn cael ei gyfleu'n glir i gynulleidfaoedd allweddol. Mae cynllun cyfathrebu cynhwysfawr wedi'i ddatblygu i reoli'r broses hon.

Asesiad o'r Effaith ar Gydraddoldeb

32. Caiff materion cydraddoldeb eu cynnwys fel un o'r themâu trawsbynciol wrth weithredu Cyllid Partneriaeth. Bydd y modd o wneud hyn yn cael ei archwilio gan is-grŵp a gynllunnir gan Fwrdd y Rhaglen Cyllid Partneriaeth, a bydd yn seiliedig ar y fethodoleg a ddatblygwyd yn ddiweddar yn CNC.

Mynegai Atodiadau

- Atodiad 1 – Rhestr o Geisiadau a Dderbyniwyd ar gyfer y Gronfa Gystadleuol
- Atodiad 2 – Rhestr o Gynigion Partneriaeth Cydweithio a Dderbyniwyd